

L E

PATER NOSTER DES IESVITES.

DEDIE^r

A P H Y L I P P E III. Roy des Espagne;
pour ses Estreines de la presente
Annee 1611.

Avec L'aué Maria.

* * *



M. DC. XI.

dup

not cataloged

LE PATER NOSTER
DES IESVITES,

P*Hylippe Roy de tous les hommes,
Nous ne serons iamais muets,
De confesser tous que nous sommes
Tes chers enfans, & que tu es*

PATER NOSTER.

*Aussi la troupe Iesuitique
Pour les biens-faits receuz de toy,
Chante incessamment ce Cantique,
Bien-heur Philippe, ô grand Roy*

QVI ES IN COELIS.

*Que Rauailac maudite engeance
Par nous si bien Cathechisé,
Pour massacrer le Roy de France,
Au lieu d'en estre mesprisé,*

SANCTIFICETVR.

*Ce coup Phylippe te peut apprendre
Que nous sommes tes vrayz amis,
Et qu'en tous lieux ferons estendre
En despit de tes ennemis,*

NOMEN TVVM.

*Que ton desir insatiable
D'engloutir tout ce que tu vois,
Que ton dessein plus qu'admirable
De dominer sur tous les Rois.*

ADVENIAT.

*Aucuns remplis de mesdisance
 Condamnent ton auidité,
 Mais par le droict de bien-seance
 En nul endroict n'est limité*

REGNUM TVVM.

*O Roy (dont la puissance est grande)
 De qui nous adorons le nom,
 Que veux-tu? souhaite, commande,
 Il ne te faut dire sinon*

FIAT.

*Aussi tost nostre Troupe sainte
 Trauaillera à qui mieux, mieux,
 D'un gay vouloir & sans contrainte
 A faire accomplir en tous lieux*

VOLUNTAS TVA.

*Ne crains pas pour trop entreprendre
 D'encourir le courroux de Dieu,
 Nous auons moyen de te rendre
 Heureux en ce terrestre lieu,*

SICVT IN COELO,

*Nous auons l'humeur flateresse
 Pour endormir tes ennemis,
 Lesquels nous poursuiuons sans cesse
 Tant qu'aux tombeaux tous ils soient mis.*

ET IN TERRA.

*Trahir pour toy nos propres Princes,
 Voler les vesues à tous coups,
 Troubler le repos des Prouinces
 C'est ce qu'appellons entre nous*

PANEM NOSTRVM QVOTIDIANVM.

*Il ne faut pas que tu restonne,
L'argent fait tout en nostre endroict,
Si tu veux que tout te foisonne
Et que le tort gaigne le droict,*

DA NOBIS.

*Nous sommes gens de tous plumages,
Experts à faire trahisons,
D'où nous viennent les heritages,
Que nous auons en nos maisons*

HODIE.

*Si l'on nous blasme d'auarice,
O tres-grand Roy, ne le croy pas:
Mais pour complaire à la Iustice
Condamne tels gens au trespas,*

ET DIMITTE.

*Car ce sont ames peu deuotes,
Que Lucifer pour soy retient:
Et pour les iuger huguenottes
La cognoissance en appartient*

NOBIS.

*Qui croiroit ces bons politiques,
Las! nous n'aurions credit aucun:
Aussi tous ceux sont heretiques,
Qui vont publians à chacun*

DEBITA NOSTRA.

*Quant à ceux qui n'ont fantasie
Qu'à prier Dieu & nuit & iours,
Ennemis de l'hypocrisie,
Ne sont propre parmy les Cours*

SICVT ET NOS.

*Qui ne hantons que Roys & Dames
A cause du soin qu'auons d'eux,
Et de leurs biens & de leurs ames,
Mais quant aux pauvres souffreteux*

D I M I T T I M V S.

*Phylippe sois nous favorable,
Tu scais les grands maux qu'auons faits,
Si tu ne nous es secourable,
Nous ne satisferons iamais*

D E B I T O R I B V S N O S T R I S.

*Si nostre mine est euentee,
Adieu nos superbes desseings,
De viure par force empruntée,
A la facon de ces bons saincts*

E T N E N O S I N D V C A S.

*L'occasion qui se presente
Dedans le Royaume Francois,
D'un Roy ieune, d'une Regente,
Met nos Peres à chasque fois*

I N T E N T A T I O N E M.

*Phylippe tu scais que la France
Nous vent mal à cause de toy,
Ne souffre par ta grand' puissance
Qu'elle nous puisse donner Loy,*

S E D L I B E R A N O S.

*Nous ne t'auons manqué encore,
Tiens pour effect nos volontez,
Il ne faut pas que tu ignore,
Que nous soyons tousiours tentez*

A M A L O.

*Ainsi puisse-tu, ô grand Prince,
Suiuant nos Iesuitiques vœux,
Du monde faire vne Prouince,
Et accomplir ce que tu veux.*

A M E N.

L' A V E M A R I A.

A la Royne.

Lors que Iudas trahit son Maistre; en le baisant,
Il diët, *Aue Rabi*: ceux de la compagnie
De Iesus, comme luy, en trahissant ta vie
Auec celle du Roy, humbles te vont disant,

A V E M A R I A.

Ces bannis pour auoir tiré par trahison
La dent du Roy defunct, d'une honteuse fuitte
Auoyent esté chasséz: mais ils eurent en suite
Pour en tirer le cœur vne abolition

G R A T I A P L E N A.

Venise a sagement d'un absolu pouuoir
Chassé pour tout iamais ses traistres de sa terre,
Ces fusilz de discord, ses trompettes de guerre,
Il en faut venir là; si tu desires auoir

D O M I N V S T E C V M.

*Heureuse Roynie, heureuse, heureuse si tu fais
Ce grand coup pour tō peuple à qui le cœur soupire,
Assurant le repos à quoy la France aspire,
Alors d'elle on dira vivant en seurepaix,*

BENEDICTA TV.

*Ils paroissent si doux, au dedans ce ne sont
Que diables incarnez, fardez d'hypocrisie,
Leur voix est chasteté, leur corps est Sodomic,
Gens qui se font entr'eux ce que les autres font*

IN MVLIERIBVS.

*Que si la France voit, selon son iuste vœu,
Chasser ses boute-feux machinant sa ruine,
Et sapant ton Estat par leur fausse doctrine,
D'une commune voix en sera loué Dieu,*

ET BENEDICTVS.

*Les chassant tu mettras tout en fidelité,
Leur ban restablira l'ancienne obeyssance,
Leur ban est le repos & bon-heur de la France:
C'est l'unique moyen de mettre en seureté*

FRVCTVS VENTRIS TVI.

AMEN.